

SAOPŠTENJE ZA JAVNOST CENTRALNOG ODBORA SINDIKATA BH TELECOM

Da li ljudi u želji za privilegijama, javnim eksponiranjem ili, pak, dodvoravanjem ljudima na vlasti izgube svoje dostojanstvo i obraz?! S druge strane, svako treba da ima pravo povlačiti poteze za koje smatra da su u redu. Ipak, ako se tim potezima drugi dovode u nepovoljan položaj i ako postoji materijalna šteta proizvedena tim potezima, oni su neprihvatljivi i trebaju se najoštrije osuditi i prozvati.

Ovim putem mi ćemo da osudimo jedan takav čin i ujedno upoznamo kolege sindikalce Bosne i Hercegovine, naše kolege iz Sindikata BH Telecoma, kao i cijelu javnost u našoj zemlji i dati njoj da sudi o našem bivšem kolegi smijenjenom predsjedniku SBHT-a Avadu Bahti. On je primjer čovjeka i paradoksa - u zemlji paradoksa, krajnosti i nelogičnosti. Njegova transformacija od gorljivog sindikalca, kroz platformu, do potpredsjednika Saveza Samostalnih Sindikata BiH pa čak i političkog lidera u pokušaju, jesu nauk za svakoga ko ima pravo na izbor i daje svoj glas...

A Avad Bahto dobivši naše glasove pozicionira se i kreće u koketiranje sa vladajućim političkim strankama uslijed čega sebe sindikalca pokušava da dovede u rang sa političarima umišljajući da će tako postati faktor i zaboravljajući ko ga je birao i koga je trebalo da zastupa. Dajući mandat nosiocu funkcije, povjeravajući mu time vodstvo organizacije, članstvo Udruženja Građana u naše, slučaju Sindikat očekuje da se taj zadatak vodi odgovorno, pošteno, transparentno, i prvenstveno u korist tog istog članstva. Avdo Bahto, bivši predsjednik SBHT-a je izdao svoje članstvo i on je primjer kako ne treba da se vodi sindikat.

Sramotno je da jedan sindikalac a ne sam predsjednik zove i moli svog poslodavca i traži od njega da iskoristi svoj uticaj i moć u firmi te da ga, zadrži na poziciji predsjednika, uprkos jednoglasnoj odluci o smjeni donesenoj na Skupštini SBHT-a na kojoj je prisustvovalo 102 delegata predstavljajući preko 3000 članova organizacije.

Sramotno je da predsjednik ide od vrata do vrata i moli dojučerašnje kolege iz SSSBiH-a da ignorišu legitimnu odluku o smjeni i da njega i dalje zadrže na poziciji potpredsjednika te institucije.

Sramotno je i da svoje lične kontakte sa političkim dužnosnicima u vlasti, koje je stekao koristeći sindikalnu poziciju, koristi kako bi osporio donošenje akata i rješenja neophodnih za nastavak nesmetanog rada Sindikata ujedno dovodeći te iste ljude u situaciju da zloupotrebjavaju svoj položaj i kompromituju sami sebe.

Ipak, za navedena poniženja bivši predsjednik je imao krupne razloge. Klupko je počelo da se odmotava nakon što je u sindikalnoj podružnici iz koje je delegiran za predsjednika i u kojoj je, nakon svog prelaska na rukovodeću funkciju, ostavio svoje poslušnike kako bi i dalje upravljao navedenom Osnovnom Sindikalnom Organizacijom otkriven nestanak 360.000.00 konvertibilnih maraka sa računa kase uzajamne pomoći osnovane za članove sindikata.

Članstvo kase je na upite o sredstvima bilo dezinformisano i dovođeno u zabludu duže od pola godine, nakon čega je situacija kulminirala i Avadovi poslušnici su smijenjeni vandrednom skupštinom OSODSA na kojoj je izabrano novo rukovodstvo. Prilikom primopredaje uz uz predaju štire dokumentacije i ubjeđivanja da ne postoji nikakva dodatna dokumentacija od strane bivših dužnosnika, slučajno je u gepeku

sindikalnog vozila pronađena sva dokumentacija vezana za kasu uzajamne pomoći, koja je u kasnije pokrenutom postupku istrage predata nadležnim inspektorima. Takođe je u kroz dokumentaciju ustanovljen manjak na računima od dodatnih 200.000.00 KM.

Tek nakon navedenih dešavanja novoizabrani članovi Centralnog Odbora SBHT-a ispred OSODSA iznose probleme iz svoje OSO tražeći pomoć C.O. u prevazilaženju problema. Tu saznaju da članovi C.O. do tog dana nisu bili informisani o problemima i pronevjerama u sindikatu. To dalje dovodi do pitanja upućenih bivšem predsjedniku na koji način se raspolaže sa članarinama, namjeni troškova, zataškavanju informacija o nestanku novca iz kase i sa računa OSODSA. Pokušavajući da stvar i dalje zataška, te da se ne izmaknu kontroli bivši predsjednik priznaje članovima C.O. da je u cilju saniranja nastale štete u kasi prebacio iznos od 60.000.00 KM sa računa C.O. te da je naložio V.D. predsjedniku OSODSA da prebaci dodatnih 50.000.00 KM. Ove transakcije su bile izvršene bez donesenih odluka i znanja članova C.O., odnosno da za iste nema pismenih odluka. Ova saznanja o grubom kršenju Statuta i procedura SBHT-a su proizvela dalja pitanja o načinu raspolaganja sa sredstvima SBHT-a.

Nakon početne šutnje i ignorisanja na postavljena pitanja Avad Bahto demonstrativno odgovara Centralnom odboru, najvišem tijelu SBHT-a između dvije skupštine, da on i njegovi članovi nemaju pravo njega pitati bilo šta navodeći kako je on taj koji sve radi i kako je njegova glava u pitanju te da članovi C.O. nisu ni svjesni kakvim se on opasnostima izlaže. Naravno traženo objašnjenje za sve navedeno je izostalo. Nakon čega su traženi finansijski izvještaji za protekle godine, kao i izvještaji sa bankovnih računa. Dostavljena je smijurija na dva lista papira na kojem su pisali izvještaji za 2011. i 2012. godinu sa vidljivim nedostacima. I na pitanje o neslaganjima u računu od cc 900.000.00 KM dobijen je odgovor da je to vjerovatno štamparska greška. C.O. formira komisiju koja posjećuje aktuelnu knjigovodstvenu kuću kako bi se utvrdilo da li je zaista u pitanju štamparska greška. Gdje dobijaju odgovor da je Avad Bahto već izuzeo svu traženu dokumentaciju.

Uslijed toga C.O. ostaje uskraćen za brojne odgovore kao npr: da li je „štamparska greška“ 900.000.00 KM sindikalnih sredstava ispravljena, ili se dokumentacija o tome jednostavno uništava?! Kako to da je C.O. znao da postoji samo 5 eventualno 6 računa SBHT-a, a da je izvodom koji je tražen iz Centralne banke ustanovljeno da SBHT posjeduje 13 računa u različitim bankama, te da su četiri od njih ugašena u međuvremenu?! S obzirom da je Avad Bahto jedan i jedini potpisnik na svim tim računima koji su kao što je navedeno otvarani i zatvarani bez znanja ostalih članova C.O. ostaje da se odgovori koliko je novca na tim računima bilo kao i koliko ga je bilo na zatvorenim računima te za šta je služio novac, kako i gdje je otišao. Obzirom na apsolutnu samododijeljenu suverenost u raspolaganju sa svim tim stvarima odgovor koji nije dat ni C.O. kao ni legitimnoj skupštini SBHT zbog ne pojavljivanja na njoj iz samo njemu znanih razloga.

Na inicijativu Centralnog odbora i Nadzornog odbora Sindikata sazvana je Skupština kojoj je prisustvovalo 102 od 109 pozvanih delegata. Smijenjeni predsjednik se nije udostojio prisustvovati i pored uredno poslatog poziva. Delegati nisu mogli dobiti odgovore na pitanja koja se već duže vrijeme postavljaju od članstva. Navedenom nosiocu funkcije Sindikata BHT na Skupštini Sindikata BHT iskazano je **jednoglasno** nepovjerenje te su iznesene sumnje u njegov dosadašnji

rad i sindikalno zalaganje, te u ispravno i legalno raspolaganje sindikalnim sredstvima.

Osim neizvršavanja obaveza koje ima kao nosioc funkcije u sindikatu smijenjeni Avad Bahto, pokušava da blokira rad legalnog i legitimnog organa i rukovodstva sindikata. To radi na način da je pečat, knjigu protokola izuzeo iz prostorija sindikata, da je jedini potpisnik računa (9) u bankama FBiH na kojima se nalaze stotine hiljada KM članarine Sindikata, da je službeni automobil sindikata izuzeo. Nadzorni odbor Sindikata BHT koji je pokušao da izvrši nadzor nad poslovanjem sindikata, zabranjen mu je rad od strane smijenjenog Bahte a zatim je iz knjigovodstvene agencije izuzeo je finansijsku dokumentaciju za 2011. i 2012 godine.

Ovim želimo obavijestiti članstvo da Centralni odbor, legalni i legitimni organ Sindikata ne raspolaže niti ima nadzor nad korištenjem finansijskih sredstava članarine Sindikata. U ovakvoj situaciji dovedeni su u pitanje zaštita zaposlenika i funkcionisanje Sindikata, pa ne treba iznenaditi ako se u narednom periodu dogode udari na Kolektivni ugovor i druge akte, odnosno biće precizno jasno kojim grupama i pojedincima odgovara blokada rada Sindikata. Odluke Skupštine Sindikata BH Telecom kao i ostala tražena dokumenta su predata u spis Registar udruženja pri Ministarstvu pravde FBiH i čeka se da Registar izda rješenje po odlukama Skupštine za novo rukovodstvo Sindikata i osobu koja predstavlja i zastupa Sindikat.

Sve odluke Skupštine Sindikata BH Telecom su poslate i Savezu Samostalnih sindikata BiH, kako protokolom tako su i usmeno prenesene preko člana GO SSS BiH. Međutim Glavni odbor SSS BiH kao i predsjedništvo nisu reagovali niti imamo povratnu informaciju da li poštuju odluke Skupštine.

Pošto je za 20. 02. 2014 g. zakazan Kongres SSS BiH sa izborom novog predsjednika SSS, ovim putem želimo pozvati kandidate za mjesto predsjednika SSS BiH (Bajramović Ismet, Đozo Nedžib, Kruščica Salih) da se **javno izjasne da li poštuju odluke Skupštine Sindikata BH Telecom** koju je donijelo 102 delegata koji predstavljaju preko 3200 članova Sindikata. Na osnovu dokumentacije koja je dostavljena za Kongres SSS BiH vidljivo je da je Sindikat BH Telecom sve ove godine bio redovan u plaćanju članarine Savezu Sindikata (uplaćeno preko 104.000 KM), pa preko 3000 članova Sindikata BH Telecom zaslužuju da se kandidati izjasne da li poštuju odluke Skupštine Sindikata BH Telecom.

Baš kao što smo očekivali - i još očekujemo! - od Ministarstva pravde Federacije da, umjesto što nas (ne) službeno upućuje na neku vrstu neprincipijelnog sporazuma sa Bahtom, kojem "i onako mandat ističe u decembru ove godine", donese pozitivnu odluku na naš zahtjev da nam se izda potvrda o njegovoj smjeni, iza koje, kao što smo dokumentirali, stoji 3.000 radnika. Naime, Bahti je još na raspolaganju račun u Raiffeisen banci, pa su moguće nove "štamparske greške", te onda i nova otuđenja stotina hiljada maraka sindikalnih sredstava

Ove informacije smo vam dostavili zbog toga jer smatramo da članovi Sindikata trebaju, a imaju i pravo da budu blagovremeno informisani, ali i zbog toga jer na osnovu naših saznanja bivši nosioci funkcija, šire netačne informacije u cilju izazivanja smutnje kod članstva vezano za ovaj slučaj i razloge njegove smjene.

O ostalim činjenicama članstvo i javnost ćemo blagovremeno izvještavati !

Sarajevo, 03. 02. 2014. godine

CENTRALNI ODBOR SINDIKATA BH TELECOM

